

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-38588-40/25

09. jula 2025. godine
SarajevoPremijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa tačkom 1. Zaključka Vlade Kantona Sarajevo, broj 02-04-55334-26/24 od 31.12.2024. godine, Vlada Kantona Sarajevo, na 83. sjednici održanoj 09.07.2025. godine, donijela je

ODLUKU**O DAVANJU SAGLASNOSTI KANTONALNOM
JAVNOM PREDUZEĆU CENTAR "SKENDERIJA"
D.O.O. SARAJEVO ZA PRIJEM JEDNOG (1) RADNIKA
U RADNI ODNOS NA NEODREĐENO VRIJEME**

Član 1.

Daje se saglasnost Kantonalnom javnom preduzeću Centar "Skenderija" d.o.o. Sarajevo za prijem jednog (1) radnika u radni odnos na neodređeno vrijeme na radnom mjestu, i to:

- Finansijski knjigovođa - jedan (1) izvršilac - SSS IV stepen ili VŠS VI stepen, obrazovanje u trajanju od dvije ili tri godine više škole ili I ciklus visokog obrazovanja ekonomskog smjera.

Član 2.

Prijem radnika iz člana 1. ove odluke izvršit će se u skladu sa odredbama Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj 19/21, 10/22, 28/23 i 32/24).

Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-38588-41/25

09. jula 2025. godine
SarajevoPremijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 3. stav (2) tačka g) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), Vlada Kantona Sarajevo, na 83. sjednici održanoj 09.07.2025. godine, donijela je

ODLUKU**O IZMJENI I DOPUNI ODLUKE O PEDAGOŠKIM
STANDARDIMA I NORMATIVIMA ZA ODGOJ I
OBRAZOVANJE U OSNOVNOJ I SREDNJOJ ŠKOLI**

Član 1.

- (1) U Odluci o pedagoškim standardima i normativima za odgoj i obrazovanje u osnovnoj i srednjoj školi ("Službene novine Kantona Sarajevo", broj 3/25), u prilogu "Pedagoški standardi i normativi za odgoj i obrazovanje u osnovnoj i srednjoj školi" koji je sastavni dio Odluke, u poglavlju OSNOVNA ŠKOLA u tački 1. u tabeli, tačka 1.9. mijenja se i glasi:

1.9.	Prostor za produženi boravak – dio namjenjen za odmor i igru učenika (po učeniku u produženom boravku u smjeni)	1,5	4
------	---	-----	---

- (2) U Odluci, u tabeli iza tačke 1.9. dodaje se tačka 1.9a. koja glasi:

1.9.a.	Prostor za produženi boravak - dio namjenjen za radne aktivnosti učenika (po učeniku u produženom boravku u smjeni)	1,5	2
--------	---	-----	---

Član 2.

Ova odluka stupa na snagu danom donošenja, objavit će se "Službenim novinama Kantona Sarajevo", a primjenjivat će se od 01.09.2025. godine.

Broj 02-04-38588-42/25

09. jula 2025. godine
SarajevoPremijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. i 21. stav (2) Zakona o obrazovanju odraslih ("Službene novine Kantona Sarajevo", broj 40/15 i 40/20), Vlada Kantona Sarajevo, na 83. sjednici održanoj 09.07.2025. godine, donijela je

ODLUKU**O DAVANJU PRETHODNE SAGLASNOSTI ZA
OSNIVANJE ORGANIZATORA OBRAZOVANJA
ODRASLIH - JAVNE USTANOVE SREDNJA
ZUBOTEHNIČKA ŠKOLA SARAJEVO**

Član 1.

Prihvata se Završni izvještaj sa stručnim mišljenjem o opravdanosti za osnivanje, rad i statusne promjene pravnog subjekta za obrazovanje odraslih – Javne ustanove Srednja zubotehnička škola Sarajevo, koji je sačinila Ekspertna komisija za razmatranje zahtjeva i elaborata, te davanje stručnog mišljenja o društvenoj opravdanosti za osnivanje, rad i statusne promjene pravnog subjekta za obrazovanje odraslih – Javna ustanova Srednja zubotehnička škola Sarajevo, koju je imenovala ministrica za odgoj i obrazovanje Kantona Sarajevo.

Član 2.

Daje se saglasnost na Elabortat o opravdanosti za osnivanje, rad i statusne promjene pravnog subjekta za obrazovanje odraslih - Javne ustanove Srednja zubotehnička škola Sarajevo.

Član 3.

Daje se prethodna saglasnost za osnivanje, rad, statusne promjene i obavljanje djelatnosti obrazovanja odraslih i pokretanje procedure za upis u Registar organizatora obrazovanja odraslih za pravni subjekat za obrazovanje odraslih - Javne ustanove Srednja zubotehnička škola Sarajevo.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-38588-43/25

09. jula 2025. godine
SarajevoPremijer
Nihad Uk, s. r.